

ილიას სახელმწიფო უნივერსიტეტის საბუნებისმეტყველო მეცნიერებებისა და მედიცინის ფაკულტეტის დეპარტამენტის/სკოლის - „მედიცინის სკოლის“ დებულება

მუხლი 1. დებულების მოქმედების სფერო

1. წინამდებარე დებულება განსაზღვრავს ილიას სახელმწიფო უნივერსიტეტის საბუნებისმეტყველო მეცნიერებებისა და მედიცინის ფაკულტეტის დეპარტამენტის - „მედიცინის სკოლის“ (შემდგომში სკოლა) მიზნებსა და ამოცანებს, საქმიანობის ძირითად მიმართულებებს, სტრუქტურას, მართვის ორგანოებისა და დეპარტამენტის/სკოლის ფუნქციონირებასთან დაკავშირებულ სხვა საკითხებს;
2. სკოლის დებულებას სკოლის საბჭოსთან ერთად შეიმუშავენ სკოლის ხელმძღვანელი და უთანხმებს ფაკულტეტის დეკანს. ფაკულტეტის დეკანი დეპარტამენტის დებულებას განსახილველად წარუდგენს ფაკულტეტის საბჭოს. ფაკულტეტის საბჭოს მიერ დებულების მოწონების შემთხვევაში, ფაკულტეტის დეკანი დეპარტამენტის დებულებას დასამტკიცებლად წარუდგენს უნივერსიტეტის აკადემიურ და წარმომადგენლობით საბჭოებს.

მუხლი 2. მედიცინის სკოლის სტატუსი

1. მედიცინის სკოლა (შემდგომში - სკოლა) არის ილიას სახელმწიფო უნივერსიტეტის საბუნებისმეტყველო მეცნიერებებისა და მედიცინის ფაკულტეტზე საგანმანათლებლო და კვლევითი მიზნებისთვის შექმნილი დეპარტამენტი/სკოლა;
2. სკოლა შექმნილია და დამტკიცებულია აკადემიური საბჭოს 2019 წლის 26 დეკემბრის N14 სხდომის ოქმისა და წარმომადგენლობითი საბჭოს 2019 წლის 27 დეკემბრის N7 სხდომის ოქმით.

მუხლი 3. სკოლის მიზნები და ამოცანები

3.1 სკოლა ემსახურება:

1. მედიცინის სფეროს მრავალმხრივ კვლევას ახალი ცოდნისა და გამოცდილების შესაქმნელად;
2. აკადემიური მომზადებისა და უწყვეტი განათლების პროგრამების შექმნას და მუდმივ განვითარებას;
3. პროფესიონალების მომზადებას კვლევის, სწავლებისა და პრაქტიკის სინქრონიზაციით;
4. მედიცინის სფეროს კადრების პროფესიულ განვითარებას;
5. სკოლის აკადემიური პერსონალის პროფესიულ განვითარებაზე ზრუნვასა და მაღალი კვალიფიკაციის მქონე ახალი კადრების მოზიდვას;

6. მედიცინის სფეროში სწავლებისა და კვლევების ინტერნაციონალიზაციას;
7. ინსტიტუციური კავშირების დამყარებასა და გაძლიერებას ადგილობრივ, რეგიონულ და საერთაშორისო დონეზე;
8. პროფესორებს და სტუდენტებს შორის მჭიდრო ურთიერთობების სტიმულირებას;
9. საკუთარი პოტენციალისა და რესურსების გამოყენებას საზოგადოების საკეთილდღეოდ;
10. ადგილობრივ და საერთაშორისო დონორებთან მუშაობას კვლევითი საქმიანობისათვის საჭირო რესურსების მოძიების მიზნით.

3.2 სკოლის ამოცანებია:

1. სტუდენტთათვის თანამედროვე განათლების მიწოდება და ხელშეწყობა სწავლის პროცესში;
2. კურიკულუმების განვითარება;
3. ადამიანური რესურსების განვითარება;
4. კვლევითი პოტენციალის განვითარება;
5. ორგანიზაციული კულტურის განვითარება;
6. ინოვაციების დანერგვა;
7. მედიცინის კვლევის ხარისხის გაუმჯობესება;
8. თანამშრომლობის განვითარება დაინტერესებულ მხარეებთან.

მუხლი 4. სკოლის საქმიანობის ძირითადი მიმართულებები

1. თავისი მიზნების შესასრულებლად სკოლა ფაკულტეტის დეკანთან, ხარისხის უზრუნველყოფის სამსახურთან, უნივერსიტეტის ადმინისტრაციასთან თანამშრომლობით ახორციელებს ძირითად საგანმანათლებლო პროგრამებს.
2. ილიას სახელმწიფო უნივერსიტეტის მედიცინის სკოლა ახორციელებს სასწავლო და კვლევით საქმიანობას, აკადემიური და უწყვეტი განათლებისა და საზოგადოებრივი მომსახურების მიმართულებით;
3. კვლევითი საქმიანობის მიზანია:
 - ა) მედიცინის და ჯანდაცვის სფეროს სხვადასხვა მიმართულებით ახალი ცოდნის შექმნა და სწავლებასა და პრაქტიკაში მისი ინტეგრირების უზრუნველყოფა.
4. აკადემიური განათლების მიზანია:

ა) ეფექტური და მაღალი ხარისხის აკადემიური პროგრამების მომზადება და განხორციელება.

5. უწყვეტი განათლების მიზანია:

ა) ხელი შეუწყოს დაინტერესებულ პირებს მათ პროფესიულ განვითარებაში, შესთავაზოს სასერტიფიკატო და ტრენინგ პროგრამები.

6. საზოგადოებრივი მომსახურების მიზანია:

ა) სკოლამ შესაბამის ინსტიტუციებთან და დაინტერესებულ პირებთან თანამშრომლობით უზრუნველყოს მედიცინის სფეროს წარმომადგენლების საჭიროებების კვლევა. მათთან კომუნიკაცია და კვლევაზე დაფუძნებული საჭიროებებში ხელშეწყობა.

მუხლი 5. სკოლის სტრუქტურა

1. სკოლის სტრუქტურა შედგება: სკოლის ხელმძღვანელისგან, სკოლის საბჭოსგან.

მუხლი 6. სკოლის მართვის ორგანოები

6.1 სკოლის მართვის ორგანოებია: სკოლის ხელმძღვანელი და სკოლის საბჭო.

მუხლის 7. სკოლის საბჭო

1. სკოლის საბჭო შედგება: სკოლის ხელმძღვანელისგან და აკადემიური პერსონალისაგან;

2. საბჭოს წევრს უფლებამოსილება უწყდება უნივერსიტეტთან შრომითი ხელშეკრულების ამოწურვის ან საქართველოს კანონმდებლობით დადგენილი წესით უფლებამოსილების შეუსრულებლობის შემთხვევაში.

3. საბჭო უფლებამოსილია საბჭოს წევრს სიითი შემადგენლობის უმრავლესობით შეუწყვიტოს წევრის სტატუსი, წევრის მხრიდან კანონმდებლობის დარღვევის შემთხვევაში.

4. სკოლის საბჭოს ფუნქციებია:

ა) სკოლის კონცეფციის შემუშავება და წარდგენა ფაკულტეტის საბჭოსთვის;

ბ) სკოლის განვითარების გეგმის შემუშავება და წარდგენა ფაკულტეტის საბჭოსთვის;

გ) სკოლის სასწავლო და კვლევითი პროგრამების განხილვა და წარდგენა ფაკულტეტის საბჭოსთვის;

დ) სასწავლო წლის/სემესტრის დაგეგმვა სკოლის ხელმძღვანელთან ერთად;

ე) სტუდენტთა საქმეების განხილვა;

ვ) სტუდენტთათვის კვალიფიკაციის მინიჭების საკითხის განხილვა და წარდგენა ფაკულტეტის საბჭოსთვის;

ზ) სადოქტორო საფეხურზე დოქტორანტთა მიღების საკითხის განხილვა და გადაწყვეტილების მიღება;

თ) სკოლის საბჭო გადაწყვეტილებებს იღებს სხდომაზე დამსწრეთა უბრალო უმრავლესობით. საბჭო უფლებამოსილია, თუ საბჭოს სხდომას ესწრება სკოლის საბჭოს წევრების ნახევარზე მეტი.

მუხლის 8. სკოლის ხელმძღვანელი

1. ფაკულტეტის დეკანის წარდგინების საფუძველზე ინიშნება რექტორის მიერ ხელშეკრულებით განსაზღვრული ვადით;

2. სკოლის ხელმძღვანელის ფუნქციები:

ა) ხელმძღვანელობს სკოლის მართვას;

ბ) ფაკულტეტის საბჭოს, სკოლის საბჭოსთან შეთანხმებით განსახილველად წარუდგენს სკოლის აკადემიურ სასწავლო, სამეცნიერო-კვლევითი საქმიანობის, ან სასერტიფიკატო პროგრამებს ან მათში შესატან ცვლილებებს;

გ) ფაკულტეტის დეკანს სკოლის საბჭოსთან/ან პროგრამის ხელმძღვანელთან კონსულტაციის საფუძველზე წარუდგენს წინადადებებს სასწავლო პროგრამისთვის საჭირო მოწვეული პერსონალის დასაქმების შესახებ;

დ) განიხილავს სკოლის სტუდენტთა განცხადებებს თავის კომპეტენციის ფარგლებში და საჭიროების შემთხვევაში აგზავნის შესაბამის სტრუქტურებში;

ე) აკადემიური და მოწვეული პერსონალის კონტრაქტით განსაზღვრული ანაზღაურების შესახებ წარუდგენს ინფორმაციას ფაკულტეტის დეკანს;

ვ) აწარმოებს მონიტორინგს სასწავლო პროცესისას, აკონტროლებს ლექციების ჩატარებას;

ზ) მართავს მის დაქვემდებარებაში არსებულ სტრუქტურებს, ასეთის არსებობის შემთხვევაში;

თ) მართავს სტუდენტებთან შეხვედრებს სხვადასხვა საკითხებთან დაკავშირებით;

ი) ყოველი სემესტრის დაწყებამდე პროგრამის ხელმძღვანელებთან ერთად გეგმავს სასწავლო სემესტრს;

კ) ყოველთვიურად ან საჭიროებისამებრ აწყობს შეხვედრას სკოლის საბჭოს წევრებთან და პროგრამის ხელმძღვანელებთან სკოლის ფარგლებში მიმდინარე საკითხებზე;

ლ) კალენდარული წლის განმავლობაში აწყობს კონფერენციებს, საჯარო ლექციებს;

მ) მართავს სამუშაო პროცესს მედიცინის სკოლის ფარგლებში არსებულ სტრუქტურებში, ანაწილებს თანამშრომლებში სამუშაო ფუნქციებს და უწევს მონიტორინგს;

ნ) ადასრულებს, რექტორის, აკადემიური და წარმომადგენლობითი საბჭოს და სხვა ადმინისტრაციული ერთეულების გადაწყვეტილებებს;

ო) ყოველი წლის ბოლოს ფაკულტეტის საბჭოს წარუდგენს საქმიანობის წლიურ ანგარიშს.

პ) სხვა საკითხები რომლებიც შედის მის კომპეტენციაში;

მუხლი 9. საბჭოს სხდომა

1. სკოლის საბჭოს სხდომას იწვევს სკოლის ხელმძღვანელ ან სკოლის საბჭოს არანაკლებ 1/3 წევრი;
2. სკოლის საბჭო მოწვევა სკოლის დირექტორის მიერ ყოველთვიურად ან საჭიროებისამებრ;
3. საბჭოს სხდომის შემდეგ დგება სხდომის ოქმი, რომელსაც ხელს აწერს საბჭოს თავმჯდომარე და მდივანი;
4. საბჭო გადაწყვეტილებას იღებს დამსწრეთა უბრალო უმრავლესობით „საბჭოს გადაწყვეტილების“ სახით.

მუხლი 10. სკოლის გარდაქმნა და გაუქმება

1. სკოლის გარდაქმნის და გაუქმების გადაწყვეტილებას იღებს აკადემიური საბჭო და ამტკიცებს წარმომადგენლობითი საბჭო.

მუხლი 11. დებულებაში ცვლილებების ან/დამატებების შეტანის წესი

1. დებულებაში ცვლილების ან/და დამატების პროექტს შეიმუშავენ სკოლის ხელმძღვანელი სკოლის საბჭოსთან ერთად. აღნიშნული პროექტი განიხილება ფაკულტეტის საბჭოზე და მისი თანხმობით დასამტკიცებლად წარედგინება უნივერსიტეტის აკადემიურ და წარმომადგენლობით საბჭოებს.